



Broj: 02-04-970/25-AP-3
Datum, 30.05.2025. godine

Na osnovu člana 12. Privremene Statutarne Odluke Grada Zavidovići („Službeni glasnik općine Zavidovići“, broj: 4/2022), člana 39. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019) i Odluke o izvršavanju Budžeta Grada Zavidovići za 2025.godinu („Službeni glasnik Grada Zavidovići“ broj : 03/25); Gradonačelnica Zavidovići raspisuje:

JAVNI POZIV

za raspodjelu sredstava na Tekućem transferu za mlade u
Budžetu Grada Zavidovići za 2025.godinu

I

Pravo učešća u Javnom pozivu za raspodjelu sredstava na Tekućem transferu za mlade u Budžetu Grada Zavidovići za 2025.godinu imaju: omladinska udruženja građana – nevladine organizacije koje su registrovane i imaju sjedište na području grada Zavidovići i nalaze se u evidenciji omladinskih udruženja Službe za upravu društvenih djelatnosti, pitanja boraca i opću upravu Grada Zavidovići i članice su Vijeća mladih Grada Zavidovići.

II

Sredstva planirana na Tekućem transferu za mlade u Budžetu Grada Zavidovići za 2025.godinu u visini 8.000,00 KM bit će korištena za sufinansiranje projekata omladinskih organizacija u oblastima: promocije volonterizma i aktivizma, očuvanja okoliša i životne sredine, promocije prirodnih i turističkih potencijala grada Zavidovići, njegovanje kulturno historijske baštine grada Zavidovići, podrška organizovanju humanitarnog i društveno korisnog rada i druge omladinske aktivnosti.

Aplikanti su dužni obezbijediti 20% sredstva od ukupnog iznosa traženih sredstava kao vlastito učešće.

Ostatak sredstava u iznosu od 7.000,00 KM na gore navedenom transferu koristit će se kao sredstva rezerve.

Sredstva koja se dodjeljuju putem javnog poziva ne mogu se koristiti za finansiranje sljedećih stavki:

- lične koristi pojedinca – za projekte koji su već odrađeni ili se radi o retroaktivnim zahtjevima. - projekte isključivog druženja članova neke grupe ili udruženja
- troškove prevoza i telefona u iznosu višem od 10% od ukupnog iznosa doznačenih sredstava,
- isključivo troškove putovanja, smještaja, putarine, ekskurzija
- isključive troškove odlaska ili dolaska na edukacije za pojedince ili članove udruženja (učesće na kursovima, seminarima, stipendiranje, kotizacija).
- isključivu nabavku opreme (potraživanja za opremu su moguća u iznosu od 40% od vrijednosti dodijeljenih sredstava i to samo u slučaju kada je oprema neophodna za realizaciju projekta)

- dodjele humanitarne pomoći
- za projekte koji su primarno za unapređenje i promociju religije i politike
- projekte vjerskih institucija-organizacija, političkih partija ili njihovih ogranaka
- zahtjeve za sponzoriranje, reklamiranje, regranting, podrška događajima za namicanje sredstava ili doprinose i velike zahtjeve za sredstvima
- projekte koji promovišu nasilje, mržnju ili bilo koji vid diskriminacije
- kupovine alkoholnih pića
- projekte koji traju duže od 6 mjeseci
- troškove registracije udruženja.

III

Aplikanti imaju pravo apliciranja samo sa jednim projektom na raspisani Javni poziv.

Za odabir i rangiranje projekata utvrđen je Sistem bodovanja. Maksimalni broj bodova je 100, a minimalni 70 da bi projekat bio uvršten u raspodjelu sredstava. Sredstva će se dodjeljivati po okonačanju procedure javnog poziva nakon zaključenja Ugovora/Sporazuma o korištenju sredstava.

IV

Projekti sa kojima subjekti iz tačke I ovog Javnog poziva apliciraju trebaju biti dostavljeni na aplikacionim obrascima pripremljenim za ovu namjenu, a isti se mogu preuzeti na Info centru Grada ili na web stranici Grada Zavidovići.

Ukoliko su subjekti iz tačke I Javnog poziva bili korisnici budžetskih sredstava sa Transfera za mlade u 2024.godini, obavezni su priložiti izvještaj o namjenskom utrošku sredstava.

Projekti moraju biti potpisani od strane odgovorne osobe i sa pečatom aplikanta.


Uz projekat se dostavljaju: Original ili ovjerena kopija izvoda iz Registra udruženja, ne starije od godinu dana i kopija Rješenje Ministarstvu za pravosuđe i upravu ZE-DO kantona ili drugih nadležnih organa u BiH o registraciji, te kopije: Uvjerenja o poreskoj registraciji (identifikacioni broj), Potvrda o aktivnom bankovnom računu ne starije od 90 dana, Bilansa stanja na dan 31.12.2024.godine i Izjava o vlastitom učešću u iznosu od 20% od ukupne vrijednosti projekta.

V

Javni poziv ostaje otvoren 30 dana od dana objavljivanja na Oglasnoj ploči i Web stranici Grada.

VI

Prijave sa navedenom dokumentacijom po Javnom pozivu dostavljati na adresu: Grad Zavidovići, Služba za upravu društvenih djelatnosti, pitanja boraca i opću upravu, Ulica Mehmed-paše Sokolovića br.9 Zavidovići, putem Pisarnice Grada ili poštom.



GRADONAČELNICA

mr. iur. Erna Merdžić Smalhodžić